

摘藻堂四庫全書薈要

經部

欽定四庫全書薈要

經部

左傳注疏卷九

十

詳校官原任侍講臣王燕緒



欽定四庫全書薈要卷一千一百二十五

經部

春秋左傳注疏卷九

起莊公二十三年盡三十二年

晉杜氏注 唐陸德明音義 孔穎達疏

經二十有三年春公至自齊注無傳

祭叔來聘注無傳穀梁以祭叔為祭公來聘魯天子內

臣不得外交故不言使不與其得使聘音義

祭側界反為于偽反

疏

注正義曰諸言聘者皆言某侯使某來聘此不言使左氏無傳故取穀梁為說穀梁傳云其不言使何也

天子之內臣也不正其外交故不與使也然則言內臣不得外交必是畿內之國畿內之國非唯祭耳傳不言

為祭公來聘社言為祭公來聘者但祭叔連祭為文必是祭人虞叔是虞公之弟此祭叔或是祭公之弟故以為為祭公來聘天子內臣不得外交諸侯故不言使不與其得使聘也魯受其聘行其禮故書聘耳二十五年陳女叔來聘嘉之故不名此無可嘉亦稱叔者杜意叔為名為字無以可知故不明言

夏公如齊觀社注齊因祭社蒐軍實故公往觀之疏

正注

義曰魯語說此事云夫齊棄太公之法而觀民於社孔晁云聚民於社觀戎器也襄二十四年傳稱楚子使薳啓疆如齊齊社蒐軍實使容觀之知此亦然故公往觀之釋例曰凡公出朝聘奔喪會葬皆但書而不言其事此春秋之常然則喪葬常事故不書觀社非常故特書

公至自齊注無傳

荆人來聘注無傳不書荆子使其來聘君臣同辭者蓋

楚之始通未成其禮疏

注正義曰釋例曰楚之君臣最  
多混錯此乃楚之初興未開周

之典禮告命之辭自生同異楚武王熊達始居江漢之  
間然猶未能自同列國故稱荆敗蔡師荆人來聘從其  
所居之稱而總其君臣是言楚之始通未成其禮之意  
言君臣同辭者此云荆人來聘是臣來也僖二十一年  
楚人使宜申來獻捷言使則是君  
也而經亦書楚人是君臣同辭

公及齊侯遇于穀注無傳音義

穀音

蕭叔朝公注無傳蕭附庸國叔名就穀朝公故不言來

凡在外朝則禮不得具嘉禮不野合疏

注正義曰無爵  
而稱朝知是附

庸國也邾儀父貴之乃書字此無所貴知叔為名也公  
羊傳曰其言朝公何公在外也文連遇于穀是就穀朝

公穀是齊地故不言來也定十四年大蒐于比蒲邾子來會公比蒲魯地故言來也穀梁傳曰朝於廟正也於外非正也是言在外行朝則禮不得具定十年傳稱嘉樂不野合知嘉禮亦不野合嘉禮謂善禮非五禮之嘉也朝於五禮屬賓

秋丹桓宮楹注桓公廟也楹柱也音義

楹音盈

冬十有一月曹伯射姑卒注無傳未同盟而赴以名音

義

射示亦反又音亦

十有二月甲寅公會齊侯盟于扈注無傳扈鄭地在蒙

陽卷縣西北音義

扈音戶卷音權字林邱權反韋昭邱云反說文邱粉反

傳二十三年夏公如齊觀社非禮也曹劌諫曰不可

夫禮所以整民也故會以訓上下之則制財用之節

注貢賦多少朝以正班爵之義帥長幼之序征伐以

討其不然注不然不用命音義

長丁反疏正義曰夫禮者所以整理

天下之民民謂庶貴賤者皆是也諸侯會聚所謀皆足尊王室脩臣禮故會以訓上下之則以諸侯事天子訓在下事其君也於會必號令諸國出貢賦多少即是制財用之節度也禮使小國朝大國是朝以正班爵之等義也爵同則小國在下是帥長幼之次序也諸侯之序以爵不以年此言長幼謂國大小也  
沈氏云爵同者據年之長幼故云帥長幼之序  
不朝不會則征討之故言征伐以討其不然  
諸侯

有王注從王事王有巡守注省四方以大習之注大

習會朝之禮非是君不舉矣君舉必書注書於策書

而不法後嗣何觀○晉桓莊之族偁注桓叔莊伯之

子孫彊盛偁廸公室音義

偁彼力反

獻公患之士為曰去

富子則羣公子可謀也已注士為晉大夫富子二族

之富彊者音義

為于委反去起呂反下同

公曰爾試其事士為與

羣公子謀譖富子而去之注以罪狀誣之同族惡其

富彊故士為得因而間之用其所親為譖則似信離



其骨肉則黨弱羣公子終所以見滅音義

惡烏路反  
間間廁之

間

# ○秋丹桓宮之楹

經二十有四年春王三月刻桓宮楹注刻鏤也楹椽也

將迎夫人故為盛飾音義

刻音克楹音角字林云齊魯謂椽為楹椽直專反

疏

注正義曰釋器云金謂之鏤木謂之刻刻木鏤金其事相類故以刻為鏤也楹謂之椽椽即椽也穀梁傳曰刻楹非正也夫人所以崇宗廟也取非禮與非正而加之於宗廟以飾夫人非正也刻桓宮楹丹桓宮楹斥言桓宮以惡莊也是言丹楹刻楹皆為將逆夫人故為盛飾

## 葬曹莊公注無傳

夏公如齊逆女注無傳親逆禮也疏

注正義曰公羊傳曰何以書親逆禮

也親逆是正禮有故得使卿逆亦無譏也

秋公至自齊注無傳八月丁丑夫人姜氏入注哀姜也

公羊傳以為姜氏要公不與公俱入蓋以孟任故丁丑

入而明日乃朝廟音義

要於逆反任音

疏

注正義曰公羊傳曰其言

入何難也其難奈何夫人不可使入與公有所約然後

入唯言有所要不知要何事故云蓋以孟任故也明日

戊寅大夫宗婦覲用幣夫人若未朝廟不得受臣覲禮

知明日乃朝廟既朝乃見大夫宗婦杜言朝廟者為覲

用幣發也書入不書至者釋例曰莊公顧割臂之盟崇

寵孟任故即位二十三年乃娶元妃雖丹楹刻桷身自

納幣而有孟任之嫌故與姜氏俱  
反而異入經所以不以至禮書也

戊寅大夫宗婦覲用

幣注宗婦同姓大夫之婦禮小君至大夫執贄以見明

臣子之道莊公欲奢夸夫人故使大夫宗婦同贄俱見

音義

覲徒歷反見也以見賢  
遍反下同夸苦瓜反

疏注再義

日襄二年葵齊  
姜傳稱齊侯使諸姜宗

婦來送葬諸姜是同姓之女知宗婦是同姓大夫之婦  
也禮小君至大夫執贄以見明臣子之道禮亦無此文  
士相見禮稱大夫始見於君執贄夫人尊與君同臣始  
為臣有見君之禮明小君初至亦當有禮以見也且傳  
唯識婦贄不宜用幣不言覲之為非知其禮當然也大  
夫當用羔鴈用幣亦為非禮也莊公欲奢夸夫人故使  
男女同贄惡其男女無別  
且識僭為失禮故書之

大水注無傳

冬戎侵曹注無傳

曹羈出奔陳注無傳羈蓋曹世子也先君既葬而不稱

爵者微弱不能自定曹人以名赴疏

注正義曰此事左氏穀梁並無傳公

羊以曹羈為曹大夫三諫不從而出奔杜以此經書曹羈出奔陳赤歸于曹與鄭忽出奔衛突歸于鄭其文相類故附彼為之說蓋為疑辭微弱不能自定曹人以名赴亦如鄭忽之出奔

赤歸于曹注無傳赤曹僖公也蓋為戎所納故曰歸疏

注正義曰史記曹世家與年表皆云僖公名夷三家經傳有五而皆言赤杜以鄭突類之知赤是曹君故以赤

為僖公書有舛誤何必史記是而杜說非也傳例曰諸侯納之曰歸以戎侵曹而赤歸故云蓋為戎所納也賈逵以為羈是曹君赤是我之外孫故戎侵曹逐羈而立赤亦以意言之無所據也

郭公注無傳蓋經闕誤也自曹羈以下公羊穀梁之說

既不了又不可通之於左氏故不採用疏

注正義曰公羊穀梁並以

赤歸于曹郭公連文為句言郭公名赤失國而歸于曹是為說不了故不採用

傳二十四年春刻其柩皆非禮也注并非丹楹故言

皆疏

注正義曰穀梁傳曰禮楹天子諸侯黝堊大夫蒼土黹丹楹非禮也注云黝堊黑色黹黃色又

曰禮天子之柩斂之磬之加密石焉諸侯之柩斂之磬之大夫斂之士斂本刻柩非正也加密石注云以

細石磨之晉語云天子之室斲其椽而簠之加密石  
焉諸侯簠之大夫斲之士首之言雖小異要知正禮  
楹不丹楨不刻御孫諫曰臣聞之儉德之共也侈惡  
故云皆非禮也

之大也注御孫魯大夫音義

御魚呂反本亦作禦  
侈昌紙反又戶氏反

先

君有其德而君納諸大惡無乃不可乎注以不丹楹

刻楨為共○秋哀姜至公使宗婦覲用幣非禮也注

傳不言大夫唯舉非常疏

注正義曰士相見禮云夫  
下大夫相見以鴈上大夫

相見以羔如士相見之禮始見於君執鴈鄭玄云士  
大夫一也如彼禮文大夫始見於君用羔鴈始見夫  
人亦當然然則大夫用幣亦非常而以大夫為常者  
禮孤執皮帛則諸侯之臣有執帛者矣大夫執帛唯

上僭耳其帛猶是男子所執婦人執幣則全非常事御孫唯諫婦人不宜執幣邱明為諫發傳故唯舉非常也左傳諸為諫者或言諫曰御孫曰男贄大者王或不言諫意在載辭不為例也

帛注公侯伯子男執玉諸侯世子附庸孤卿執帛音

義贄真疏

注正義曰周禮大宗伯職云公執桓圭侯執信圭伯執躬圭子執穀璧男執蒲璧是

公侯伯子男皆執玉也典命職曰凡諸侯之適子誓於天子攝其君則下其君之禮一等未誓則以皮帛繼子男公之孤四命以皮帛賤小國之君是諸侯世子與孤卿執帛也附庸雖則無文而為一國之主來則謂之為朝未有爵命不合執玉明與世子同執帛也且哀七年傳稱禹合諸侯於塗山執玉帛者萬國附庸是國明執帛者附庸也鄭玄周禮注云皮帛者束帛而表以皮為之飾皮虎豹皮帛如今璧色繒也

周禮以玉作六瑞以禽作六贄則瑞贄有異而此傳玉帛同言贄者鄭玄曲禮注云贄之言至也當謂執之見人以表至誠也典瑞注云瑞節信也禮天子執冒以見諸侯諸侯執圭璧以朝天子天子以冒冒之以為信故以瑞為名皮帛以下無此合信之事故以贄為名其實皆以表至誠故傳通以贄言之凡贄皆以爵不以命數也

小者禽鳥注卿執羔大夫執鴈士執雉疏

注正義曰周禮大宗伯職文也鄭玄云羔取其羣而不失其類鴈取其候時而行雉取其守介而死不失其節鶩取其不飛遷雞取其守時而動曲禮曰飾羔鴈者以續言天子之臣飾羔鴈以布又畫之諸侯之臣飾以布不畫之

以章物也注章所執之物別貴賤音

自雄以下無飾

義別彼

列反女贄不過榛栗棗脩以告虔也注榛小栗脩



脯虔敬也皆取其名以示敬音義

棹側巾反脩服脯如薑桂曰脩虔音

乾疏

注正義曰曲禮云婦人之贊棋棹脯脩棗栗鄭玄云婦人無外事見以羞物也棋棹木名棋枳

也有實令邳邾之東食之棹實似栗而小鄭又注周禮腊人云薄析曰脯樵之而施薑桂曰服脩然則脩脯大同故以脩為脯也虔敬釋詁文皆取其名以示敬者先儒以為栗取其戰栗也棗取其早起也脩取其自脩也唯棹無說蓋以今男女同贊是無別也男棹聲近虔取其虔於事也

女之別國之大節也而由夫人亂之無乃不可乎○

晉士為又與羣公子謀使殺游氏之二子注游氏二

子亦桓莊之族士為告晉侯曰可矣不過二年君必

無患

卷九

經二十有五年春陳侯使女叔來聘注女叔陳卿女氏

叔字音義

女音汝陳大夫氏

夏五月癸丑衛侯朔卒注無傳惠公也書名十六年與

內大夫盟于幽

六月辛未朔日有食之鼓用牲于社注鼓伐鼓也用牲

以祭社傳例曰非常也疏

注正義曰尚書召誥云用牲于郊牛二如此之類言用牲

者皆用之以祭知此用牲以祭社也鼓之所用必是伐之伐聖可見故不言伐鼓牲不言用則牲無所施於文

不是故言用牲傳稱正月之朔慝未作日有食之於是乎用幣于社伐鼓于朝正月謂周六月也此經雖書六月杜以長厯校之此是七月七月用鼓非常月也鼓當于朝而此鼓于社非其處也社應用幣而於社用牲非所用也一舉而有三失故譏之

伯姬歸于杞注無傳不書逆女逆者微

秋大水鼓用牲于社于門注門國門也傳例曰亦非常

也疏注正義曰祭法云天子立七祀諸侯立五祀其門皆曰國門知此門亦國門國門謂城門也傳稱天

災有幣無牲非日月之青不鼓則鼓與牲二事皆失故譏之

冬公子友如陳注無傳報女叔之聘諸魯出朝聘皆書

如不果彼國必成其禮故不稱朝聘春秋之常也公子友莊公之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦非例所興或稱弟或稱公子仍舊史之文也母弟例

在宣十七年音義

好呼報反傳同

疏

注正義曰魯出朝聘多有在道復者假令得到彼國

尚不知受之以否故皆書如如者往也直言往彼而已不果彼國必成其禮故不稱朝聘為春秋之常也僖二十八年公朝于王所朝訖乃書故即稱為朝此公子友莊公之母弟也於莊世稱公子昭元年陳公子招陳哀公母弟也於哀世稱公子故解之稱公子者史策之通言也釋例曰庶弟不得稱弟而母弟猶稱公子秦伯之

弟鍼適晉女叔齊曰秦公子必歸此公子亦國之常言  
得兩通之證也是言公子母弟得通言之意也釋例又  
曰兄而害弟則稱弟以章兄罪弟又害兄則去弟以罪  
弟身統論其義兄弟二人交相殺害各有曲直存弟則  
示兄曲也是言其相殺害則稱弟以示義也釋例又曰  
若夫朝聘盟會嘉好之事此乃兄弟之篤睦非義例之  
所興故仍舊史之策或稱弟或稱公子踐土之盟叔武  
不稱弟此其義也案經桓三年齊侯使其弟年來聘十  
四年鄭伯使其弟語來盟成十年衛侯之弟黑背帥師  
侵鄭彼皆稱弟季友陳招並稱公子俱無褒貶所稱不  
同知是史文之異不為義例  
仲尼無所見義故仍舊史耳

傳二十五年春陳女叔來聘始結陳好也嘉之故不  
名注季友相魯原仲相陳二人有舊故女叔來聘季

友冬亦報聘嘉好接備卿以字為嘉則稱名其常也

音義

相魯息亮反下同

○夏六月辛未朔日有食之鼓用牲

于社非常也注非常鼓之月長歷推之辛未實七月

朔置閏朱所故致月錯疏

注正義曰此及文十五年昭十七年皆書六月朔日

有食之昭十七年傳稱祝史請所用幣昭子許之平子禦之曰止也唯正月朔慝未作日有食之於是乎有伐鼓用幣禮也其餘則否太史曰在此月也經書六月而史言在此月則知傳言正月之朔慝未作者謂以周之六月夏之四月也文十五年傳直說天子諸侯鼓幣異禮不言非常知彼言六月直六月也此亦六月而云非常下句始言唯正月之朔有用幣伐鼓之禮明此經雖書六月實非六月故云非常鼓之

月長歷推此辛未為七月之朔由置閏失所致致月錯不應置閏而置閏誤使七月為六月也釋例曰莊二十五年經書六月辛未朔日有食之實是七月朔非六月故傳云非常也唯正月之朔有用幣伐鼓明此食非用幣伐鼓常月因變而起歷誤也文十五年經文皆同而更復發傳曰非禮者明前傳欲以審正陽之月後傳發例欲以明諸侯之禮此乃聖賢之微旨而先儒所未喻也劉炫云知非五月朔者昭二十四年五月日有食之傳云日過分而未至此若是五月亦應云過分而未至也今言慝未作則是已作之辭故知非五月案二十四年八月丁丑夫人姜氏入從彼推之則六月辛未朔非有差錯杜云置閏失所者以二十四年八月以前誤置

**唯正月之朔慝未作**

一閏非是八月以來始錯也

**注正月夏之四月周之六月謂正陽之月今書六月**

而傳云唯者明此月非正陽月也惡陰氣音義

正音政正

月建巳之月惡他

疏

正義曰昭十七年傳太史論正月之事云當夏四月是謂孟

夏知正月是夏之四月周之六月也詩云正月繁霜鄭玄云夏之四月建巳純陽用事是謂正月為正陽之月惡惡也人情愛陽而惡陰故謂陰為惡故云惡陰氣也未作謂陰氣未起也

**日有食之**

於是乎用幣于社伐鼓于朝注日食歷之常也然食

於正陽之月則諸侯用幣于社請救於上公伐鼓于

朝退而自責以明陰不宜侵陽臣不宜掩君以示大

義疏

注正義曰古之歷書亡矣漢興以來草創其術三統以為五月二十三分月之二十而日月交



會近世為歷者皆以為一百七十三日有餘而日一食是日食者歷之常也古之聖王因事設戒夫以昭昭大明照臨下土忽爾殲亡俾晝作夜其為怪異莫斯之甚故立求神請救之禮責躬罪已之法正陽之月陽氣尤盛於此尤盛之月而為弱陰所侵故尤忌之社是上公之神尊於諸侯故用幣于社請救於上公伐鼓于朝退而自攻責也日食者月掩之也日者陽之精月者陰之精日君道也月臣道也以明陰不宜侵陽臣不宜掩君以示大義也昭二十九年傳曰故有五行之官是謂五官實列受氏姓封為上公祀為貴神社稷五祀是尊是○秋大水鼓用牲于社于奉故社以社為上公之神

門亦非常也注失常禮凡天災有幣無牲注天災日

月食大水也祈請而已不用牲也疏

注正義曰傳言亦非常亦上日

食也但日食之鼓非常月伐鼓于社非常禮大水用牲亦非常禮俱是非常故亦前也傳既亦前即發凡例知天災之言兼日食大水也天之見異所以謹告人君欲令改過脩善非為求人飲食既遇天災隨時即告唯當告請而已是故有幣無牲若乃亢旱歷時霖雨不止然後禱祀羣神求弭災沴者設禮以祭祭必有牲詩雲漢之篇美宣王為旱禱請自郊徂宮無所不祭云靡神不舉靡愛斯牲是其為旱禱祭皆用牲也祭法曰埋少牢於泰昭祭時也相近於坎壇祭寒暑也王宮祭日也夜明祭月也幽榮祭星也雩縗祭水旱也鄭玄云凡此以下皆祭用少牢寒暑非日不時則或禴之或祈之是說祈禱之祭皆用牲

月之青不鼓注青猶災也月侵日為青陰陽逆順之

事賢聖所重故特鼓之音義

青所疏

注正義曰易稱是謂災青書稱

青災肆赦是青災相類故云青猶災也月侵日為青陰犯陽為逆逆順之事賢聖所重故見其逆事而特鼓之此據日食為說耳傳稱日月之青日月並言則月食亦有鼓周禮大僕職云凡軍旅田役贊王鼓救日月亦如之是日食月食皆有鼓也穀梁傳曰天子救日置五麾陳五兵五鼓諸侯置三麾陳三鼓三兵大夫擊門士擊柝左氏雖無傳義或然也○晉士為使羣公子盡殺游氏之族乃城聚而處之注聚晉邑音義聚才喻反冬晉侯圍聚盡殺羣公子注卒如士為之計

經二十有六年春公伐戎注無傳

夏公至自伐戎注無傳

曹殺其大夫注無傳不稱名非其罪例在文七年疏

正注

義曰文七年傳稱書曰宋人殺其大夫不稱名衆也且言非其罪也是仲尼新意變例也

秋公會宋人齊人伐徐注無傳宋序齊上主兵

冬十有二月癸亥朔日有食之注無傳

傳二十六年春晉士蒍為大司空注大司空卿官疏

注正義曰傳於比年以來說士蒍為獻公設計晉國以安今又言大司空明任以卿位也直言司空者是大夫即司空亞旅皆受一命之服是也晉自文公以後世為盟主征伐諸國卿以軍將為名司空非復卿官故文二年司空士穀非卿也雖則非卿職掌不異成十八年傳曰右行辛為司空使脩士蒍之法是其

典事同也 ○夏士為城絳以深其宮注絳晉所都也今平

陽絳邑縣 ○秋虢人侵晉冬虢人又侵晉注為傳明

年晉將伐虢張本此年經傳各自言其事者或經是

直文或策書雖存而簡牘散落不究其本末故傳不

復申解但言傳事而已音義

牘徒木反究音救復扶又反解居蟹反

疏

注正義曰此年傳不解經經傳各自言事伐戎日食  
體例已舉或可經是直文不須傳說曹毅大夫宋齊  
伐徐或須說其所以此去丘明已遠或是簡牘散落  
不復能知故耳上二十年亦傳不解經彼經皆是直  
文故就此一說  
言下以明上

經二十有七年春公會杞伯姬于洮注伯姬莊公女洮

魯地音義

洮徒反疏

注正義曰上二十五年始歸于杞莊公無母而此來寧知是莊公女也會

女非常故於此言女以辨之

夏六月會齊侯宋公陳侯鄭伯同盟于幽

秋公子友如陳葬原仲注原仲陳大夫原氏仲字也禮

臣既卒不名故稱字季友違禮會外大夫葬具見其事

亦所以知譏音義

見賢疏

注正義曰玉藻記云士於君過反疏所言大夫沒矣則稱諡若字

桓二年穀梁傳日子既死父不忍稱其名臣既死君不忍稱其名是禮臣卒不名陳人不稱其名故魯史亦書

其字

冬杞伯姬來注傳例曰歸寧

莒慶來逆叔姬注無傳慶莒大夫叔姬莊公女卿自為

逆則稱字例在宣五年音義

為于偽反

杞伯來朝注無傳杞稱伯者蓋為時王所黜音義

黜勅律反

疏

注正義曰桓二年杞侯來朝十二年公會杞侯莒子盟于曲池自爾以來不見經傳從此稱伯終於春秋

故云蓋為時王所黜於時周王當桓莊僖惠不知何王黜之

公會齊侯于城濮注無傳城濮衛地將討衛也音義

濮音

卜

傳二十七年春公會杞伯姬于洮非事也注非諸侯

之事天子非展義不巡守注天子巡守所以宣布德

義諸侯非民事不舉卿非君命不越竟音義竟音

境

○

夏同盟于幽陳鄭服也注二十二年陳亂而齊納敬

仲二十五年鄭文公之四年獲成於楚皆有二心於

齊今始服也疏

注正義曰元年以來陳鄭無不服之  
狀此言其服故注者原之二十一年

鄭厲公卒二十五年是鄭文公之四年也文十七年  
傳稱鄭子家與趙宣子書云文公四年二月壬戌為



齊侵蔡亦獲成於楚是二十五年既與楚平故至此始服也

○秋公子友如陳葬

原仲非禮也原仲季友之舊也○冬杞伯姬來歸寧

也注寧問父母安否凡諸侯之女歸寧曰來出曰來

歸注歸不反之辭夫人歸寧曰如某出曰歸于某疏

正義曰釋例曰歸寧者女子既嫁有時而歸問父母之寧否父母沒則使卿歸問兄弟也出者謂犯七出

而見絕者也歸者有所往之稱來者有所反之言故嫁謂之歸而寧謂之來見絕而出則以來歸為辭來

而不反也如某者非終安之稱歸于某者亦不反之辭是解其文異之意也此杞伯姬寧也宣十六年鄭

伯姬來歸出也文九年夫人姜氏如齊歸寧也魯之夫人無被出者文十八年夫人姜氏歸于齊雖子死

自去歸而不反亦出之類故與出大同

○晉侯將伐虢士為曰不可虢

公驕若驟得勝於我必棄其民注棄民不養之無衆

而後伐之欲禦我誰與夫禮樂慈愛戰所畜也夫民

讓事樂和愛親哀喪而後可用也注上之使民以義

讓哀樂為本言不可力强音義

畜勅六反下及注皆同哀樂音落强其丈

反

疏

正義曰禮樂慈愛謂國君教民民間有此四者畜聚此事然後可與人戰故云戰所畜也士為

既言其目更以其義覆之禮尚謙讓讓事謂禮也樂

以和親樂和謂樂也慈謂愛之深也愛親謂慈也愛

極然後哀喪哀喪謂愛也民號弗畜也亟戰將饑注

間有此四事然後可用以戰

號弗畜也亟戰將饑注

言號不畜義讓而力戰音義

亟欺冀反饑居疑反又音機

○王使

召伯廖賜齊侯命注召伯廖王卿士賜命為侯伯音

義

召音邵廖力彫反

疏

注正義曰召伯稱爵知是王之卿士召康公之封召也當在西都畿內釋

例曰扶風雍縣東南有召亭也春秋時召伯猶是召公之後西都既已賜秦則東都別有召地不復知其

所在僖二十八年傳稱王命尹氏王子虎策命晉侯為侯伯則知此賜齊侯命者亦賜命為侯伯也彼注

云周禮九命作伯則此亦九命之伯謂九州之長為二伯也僖元年傳曰凡侯伯救患分災討罪禮也注

云侯伯州長也彼主說齊桓之事亦謂九州且請伐之長非州牧也言州長者兼見州牧之事耳

衛以其立子積也注立子積在十九年

經二十有八年春王三月甲寅齊人伐衛衛人及齊人

戰衛人敗績注齊侯稱人者諱取賂而還以賤者告不

地者史失之疏

注正義曰傳稱齊侯而經書人知其諱取賂以賤者告也詩美僖公之伐淮夷

得其元龜象齒大賂南金襄十一年傳稱晉侯代鄭受

鄭之賂告于諸侯皆不以為諱而此諱之者彼服罪致

賂乃以得賂為禁此舍罪受賂故以受之為恥會于稷

舍宋督取郕鼎亦此之類也戰皆書地此獨不地知是

史失之也莊十年公羊傳曰戰不言伐圍不言戰入不

言圍滅不言入書其重者左無此義而泓韓鞏邱令狐

河曲鄆陵城濮大棘彭衙長岸柏舉之屬皆書戰不書

伐此書伐又書戰襄十八年諸侯同圍齊言圍不言伐

文十五年晉卻缺伐蔡戊申入蔡書伐又書入邱明無

文杜不為說皆是從告而書史有詳畧無義例也此經

既言齊人伐衛不言齊及衛戰而言衛人及齊人戰者公羊以為伐人者為客被伐者為主以主及客故使衛人主齊尋案經傳令狐河曲大棘彭衙長岸泓韓之屬皆以主及客也乾時升陘及鞏皆魯與人戰以魯為主城濮鄆陵與邲外楚而內晉也柏舉內蔡而外楚也被伐為主或如公羊之說

夏四月丁未邾子瑱卒注無傳未同盟而赴以名音義

瑱素果反

秋荆伐鄭公會齊人宋人救鄭

冬築郿注郿魯下邑傳例曰邑曰築音義郿亡疏注正

悲反義曰

國都為上邑為下故云魯下邑成十八年築鹿園傳曰書不時也此傳唯發城築之例不言時與不時者春秋

重土功無備而興作者傳每事各言時與不時以別有所備禦如書旱雩之別過雩也其有所畏懼而興作者唯一發而已襄十九年城西郭傳曰懼齊也是其事也此年大無麥禾時歲饑虛恐或侵伐故築之以備難從西郭之例故不發傳也

大無麥禾注書於冬者五穀畢入計食不足而後書也

疏

正義曰麥熟於夏禾成在秋而書於冬者計食不足而後總書之此年不言水旱而得無麥禾者服虔

曰陰陽不和土氣不養故禾麥不成也傳言饑而經不書者得齊之糴救民之急不至於饑也傳言饑者指未

糴之前說告糴之意故言饑也臧孫辰告糴于齊注臧孫辰魯大夫臧

文仲音義

糴徒疏正義曰何休云買穀曰糴告糴者將歷反貨財告齊以買穀魯語云文仲以幣

圭與玉磬如齊告糴曰不腆先君之敝器敢告滯積以紓執事齊人歸其玉而與之糴公羊傳曰何以不稱使以為臧孫辰之私行也君子之為國也必有三年之委一年不熟告糴譏也穀梁亦然據經魯臣出使例不言使何以當怪此也傳言告糴禮也必不得如二傳之說服虔云不言如重穀急辭以其情急於糴故不言如齊告糴乞師則情緩於穀故云如楚乞師注正義曰世本孝公生僖伯彊彊生哀伯達達生伯氏駢駢生文仲辰辰是臧僖伯曾孫

傳二十八年春齊侯伐衛戰敗衛師數之以王命取賂而還○晉獻公娶于賈無子注賈姬姓國也烝於

齊姜注齊姜武公妾音義烝承反生秦穆夫人及太子

申生又娶二女於戎大戎狐姬生重耳注大戎唐叔

子孫別在戎狄者音義

重直龍反

疏

注正義曰晉語云狐氏出自唐叔狐伯行

之子實生重耳又曰狐偃其舅也

小戎子生夷吾注小戎允姓之戎

子女也疏

注正義曰昭九年傳稱晉率陰戎伐潁王使辭於晉曰先王居櫛杙于四裔故允姓

之姦居于瓜州知戎為允姓也凡言子者通男女也知子謂女也二戎相對為大小也

晉伐驪

戎驪戎男女以驪姬注驪戎在京兆新豐縣其君姬

姓其爵男也納女於人曰女音義

驪力知反女以昵據反注曰女同

歸生奚齊其娣生卓子驪姬嬖欲立其子賂外嬖梁



五與東關嬖五注姓梁名五在閨闈之外者東關嬖

五別在關塞者亦名五皆大夫為獻公所嬖幸視聽

外事音義

卓勅角反閨音圭闥吐達反塞素代反

使言於公曰曲沃君

之宗也注曲沃桓叔所封先君宗廟所在蒲與二屈

君之疆也注蒲今平陽蒲子縣二屈今平陽北屈縣

或云二當為北音義

屈求勿反一音居勿反疆居良反下同

不可以無

主宗邑無主則民不威疆場無主則啟戎心戎之生

心民慢其政國之患也若使天子主曲沃而重耳夷

吾主蒲與屈則可以威民而懼戎且旌君伐注旌章

也伐功也音義

場音亦

使俱曰狄之廣莫於晉為都晉

之啟土不亦宜乎注廣莫狄地之曠絕也即謂蒲子

北屈也言遣二公子出都之則晉方當大開土界獻

公未決故復使二五俱說此美音義

復扶又反

晉侯說之

夏使太子居曲沃重耳居蒲城夷吾居屈羣公子皆

鄙注鄙邊邑音義

說音悅

唯二姬之子在絳二五卒與

驪姬譖羣公子而立奚齊晉人謂之二五耦注二耦

相耦廣一尺共起一伐言二人俱共壅傷晉室若此

音義

謂責鳩反和音似廣古曠反壅苦狠反

○楚令尹子元欲蠱文夫

人注文王夫人息媯也子元文王弟蠱惑以淫事音

義

蠱音古惑也

疏

正義曰昭元年傳稱周易女惑男謂之蠱知蠱謂惑以淫事

為館於

其宮側而振萬焉注振動也萬舞也夫人聞之泣曰

先君以是舞也習戎備也今令尹不尋諸仇讎而於

未亡人之側不亦異乎注尋用也婦人既寡自稱未

亡人御人以告子元注御人夫人之侍人子元曰婦

人不忘襲讎我反忘之秋子元以車六百乘伐鄭入

于桔株之門注桔株鄭遠郊之門也音義

乘繩證反桔戶結反

株侍疏

注正義曰此已入一門矣又云入自純門又結反疏是入一門矣復言縣門不發則更有一門矣

不發是城門則知純門外郭門桔株遠郊門也尚書費誓序云東郊弗闢是郊有門也

子元鬪

御疆鬪梧耿之不比為旆注子元自與三子特建旆

以居前緇廣充幅長尋曰旐繼旐曰旆音義

御魚呂反本亦

作禦下注反禦同疆其良反又居良反梧音

疏注正

吾比并里反旆蒲貝反長直亮反旐音兆  
軍行之次旆最先故宣十二年傳稱令尹南轅反旆是旆居前而殿在後也釋天云緇廣充幅長尋曰

旄繼旄曰旄郭璞曰旄帛全幅鬬班王孫游王孫喜  
長八尺旄帛續旄末為燕尾者

殿注三子在後為反禦音義見殿反衆車入自純門及

達市注純門鄭外郭門也達市郭內道上市音義純如

字達求縣門不發楚言而出子元曰鄭有人焉注縣

門施於內城門鄭示楚以閒暇故不閉城門出兵而

效楚言故子元畏之不敢進音義縣音玄注同諸侯救鄭

楚師夜遁鄭人將奔桐邱注許昌縣東北有桐邱城

音義遁徒謀告曰楚幕有烏乃止注謀間也幕帳也

音義

謀音牒幕音莫  
間問廁之間

○冬饑臧孫辰告糴于齊禮也

注經書大無麥禾傳言饑傳又先書饑在築郿上者

說始糴經書在下須得糴嫌或諱饑故曰禮○築郿

非都也凡邑有宗廟先君之主曰都無曰邑邑曰築

都曰城注周禮四縣為都四井為邑然宗廟所在則

雖邑曰都尊之也言凡邑則他築非例疏

注正義曰  
周禮小司

徒職云九夫為井四井為邑四邑為邱四邱為甸四

甸為縣四縣為都注引此者以證都大邑小耳經傳  
之言都邑者非是都則四縣邑皆四井此傳所發乃  
為小邑發例大者皆名都都則悉書曰城小邑有宗

廟則雖小曰都無乃為邑邑則曰築都則曰城為尊  
宗廟故小邑與大都同名釋例曰若邑有先君宗廟  
雖小曰都尊其所居而大之也然則都而無廟固宜  
稱城城漆是也而潁氏唯繫於有先君之廟患漆本  
非魯邑因說曰漆有邾之舊廟是使魯人尊邾之廢  
廟與先君同非經傳意也又解傳言凡邑則主為邑  
言則他築非例也若築臺築園築王  
姬之館則皆稱為築無大小之異

經二十有九年春新延廡注傳例曰書不時言新者皆

舊物不可用更造之辭音義

廡居又反疏注正義曰馬之所

之名名之曰延其義不可知也公羊傳曰新延廡者何  
修舊也謂舊廡敝壞不可因而補治故言新為更造之  
辭也傳言新作延廡而經無作字僖二十年新作南門  
定二年新作雉門及兩觀皆言新作而此獨無作是作

傳之後轉寫闕文也釋例曰言新意所起言作以興事  
通謂興起功役之事也總而言之不復分別因舊而與  
造新也經書延廡稱新而不言作傳言新作延廡書不  
時也此稱經文而以不時為譏義不在作也然尋傳足  
以知經闕作字也而劉賈云言新有故木言作有新木  
延廡不書作所用之木非公命也凡諸興造固當有新  
固當有因今為春秋微義直記別此門此觀有新木故  
木既已鄙近且材木者立廡之具也公命立廡則衆用  
皆隨之矣焉有所用之木非公命也此為  
匠人受命立廡而盜共其用豈然乎哉

夏鄭人侵許注傳例曰無鐘鼓曰侵

秋有蜚注傳例曰為災音義

蜚扶  
味反

冬十有二月紀叔姬卒注無傳紀國雖滅叔姬執節守



義故繫之紀賢而錄之

城諸及防注諸防皆魯邑傳例曰書時也諸非備難而

興作傳皆云云時以釋之他皆放此諸今城陽諸縣音

義

難乃旦反疏正義曰此言城諸及防文十二年城諸重直用反

及鄆定十四年城莒父及霄襄十年傳晉師城梧及制同時城二邑者皆言及穀梁傳曰以大及小也何休云諸君邑防臣邑言及別君臣之義賈逵云言及先後之辭杜不為注先後之辭是也

傳二十九年春新作延廡書不時也注經無作字蓋

闕凡馬日中而出日中而入注日中春秋分也治廡

當以秋分因馬向入而修之今以春作故曰不時音

義

向許亮反本或作嚮

疏

注正義曰中者謂日之長短與夜中分故春秋二節謂之春分秋分也釋

例曰春秋分而晝夜等謂之日中凡馬春分百草始繁則牧於坵野秋分農功始藏水寒草枯則皆還廐此周典之制也今春而作廐已失民務又違馬節故曰書不時也

○夏鄭人侵許凡

師有鐘鼓曰伐注聲其罪無曰侵注鐘鼓無聲輕曰

襲注掩其不備音義

輕遣政反

疏

正義曰釋例曰侵伐襲者師旅討罪之名也鳴

鐘鼓以聲其過曰伐寢鐘鼓以入其竟曰侵掩其不備曰襲此所以別興師用兵之狀也然則春秋之世兵加於人唯此三名擊鼓斬木俱名為伐鳴鐘鼓聲其罪往討伐之若擊鼓斬木然侵者加陵之意寢其

鐘鼓潛入其竟往侵陵之襲者重衣之名倍道輕行掩其不備忽然而至若披衣然立此三名制討罪之等級也周禮大司馬掌九伐之法賊賢害民則伐之負固不服則侵之天子討罪無掩襲之事唯侵伐二名名與禮合而禮更有七名馮弱犯寡則胥之暴內凌外則壇之野荒民散則削之賊殺其親則正之放弑其君則殘之犯令陵政則社之內外亂鳥獸行則滅之彼謂王者行兵此據當時實事時無其事則傳不為例故不列於此

○秋有蜚為災也凡物不為災不

書○冬十二月城諸及防書時也凡土功龍見而畢務戒事也注謂今九月周十一月龍星角亢晨見東

方三務始畢戒民以土功事音義

見賢遍反注下皆同亢苦浪反又音

剛疏

正義曰釋例曰都邑者人之聚也國家之藩衛百姓之保障不固則敗不修則壞故雖不臨寇

必於農隙備其守禦無妨民務傳曰龍見而畢事也謂夏之九月周之十一月龍星角亢晨見東方於是納其禾稼三務始畢而戒民以土功事也大見而致用大火星次角亢而晨見於是致其用也水昏正而栽謂夏之十月定星昏而中於是樹板幹而興作焉日至而畢謂日既南至微陽始動故土功息傳既顯稱凡例而書時書不時各重發者皆以別無備而興作如書旱雩之別過雩也若城西郭傳特曰懼齊此其意也然則此發例者止謂預修備禦非有當時之急故擇閒月而為之若當時有急則不拘此制畢者竟也畢務謂農務竟而民間也日至而畢謂土功竟也冬至之後當更修來年農事不得復興土功也注正義曰今之九月則季秋也月令季秋之月日在房漢書律歷志論星之度數云角十二亢九氐十

五自角之初至房初三十六度晨謂夜之將旦於晨之時日體在房故角亢見在東方也東方之宿盡為龍星角即蒼龍角也故角亢專得龍名戒謂令語之也春夏秋三時之務始畢民將閒暇故預令語民將有土功之事使自備也

火見而致用注大火心星次角亢見者

致築作之物疏

注正義曰襄九年傳曰心為大火星度心五尾十八月令孟冬之月日在

尾自心初至於尾末二十三度十月之初心星次角亢之後而晨見東方也致築作之物謂板幹畚楬諸是城之所用皆致之於作所也

水昏正而我注謂今十月定星昏而

中於是樹板幹而興作音義

裁字林才代反一音再說文云築牆長板定多

反疏

注正義曰五行北方水故北方之宿為水星言水昏正者夜之初昏水星有正中者耳非北方

七宿皆正中也詩云定之方中作于楚宮釋天云營室謂之定孫炎云定正也天下作宮室者皆以營室為正周語云營室之中土功其始是定星昏而正為土功之大候故知水昏正謂十月定星昏而正中時也鄭玄詩箋云定星昏中而正謂小雪時小雪十月之中氣月令仲冬之月昏東壁中室十六度日行一度是十月半而室中十一月初而壁中禮記中庸云栽者培之栽者樹立之語故知樹板榦而起首興作也釋詁云榦榦榦也舍人曰榦正也築牆所立兩木也榦所以當牆之兩邊鄭土者也然則榦在牆之兩端樹立之即榦是也榦則在兩邊鄭土即板是也板榦既異而云樹板榦者因類連言耳

日至而

畢注日南至微陽始動故土功息○樊皮叛王注樊

皮周大夫樊其采地皮名

經三十年春王正月

夏次于成注無傳將卑師少故直言次齊將降鄆故設

備音義

將卑子匠反降戶江反疏注正義曰於例將卑下文注同鄆音章下同師少稱人人謂大夫

身也大夫卑名氏不見故稱人他國可言某人魯事不得自稱魯人故魯之大夫使出者皆言其所為之事而已此大夫帥師而次于成故直言次也穀梁傳曰次止也有畏也欲救鄆而不能是為降鄆故設備也

秋七月齊人降鄆注無傳鄆紀附庸國東平無鹽縣東

北有鄆城小國孤危不能自固蓋齊遙以兵威脅使降

附疏

注正義曰公羊穀梁傳並云鄆紀之遺邑也釋例曰劉賈依二傳以為鄆紀之遺邑計紀侯去國至

此二十七年紀侯猶不堪齊而去則邑不得獨存此蓋附庸小國若邾鄆者也是言邾為附庸之意不言邾降于齊而云齊人降邾又不言侵伐故云蓋以兵威脅使降附

八月癸亥葬紀叔姬注無傳以賢錄也無臣子故不作

謚

九月庚午朔日有食之鼓用牲于社注無傳

冬公及齊侯遇于魯濟注濟水厯齊魯界在齊界為齊

濟在魯界為魯濟蓋魯地音義

濟子禮反

疏

注正義曰釋例曰濟水自滎陽

卷縣東經陳留至濟陰北經高平東平至濟北東北經濟南至樂安博昌縣入海案高平東平魯西界也濟南



樂安齊竟內也指言魯濟故  
疑魯地遇于魯地濟水之邊

齊人伐山戎注山戎北狄

傳三十年春王命虢公討樊皮夏四月丙辰虢公入

樊執樊仲皮歸于京師○楚公子元歸自伐鄭而處

王宮注欲遂盡文夫人鬬射師諫則執而梏之注射

師鬬廉也足曰桎手曰梏音義

射食亦反又食夜反  
梏古毒反桎之實反

疏注正義曰杜此注與譜並以射師與鬬廉為一人  
不知何據也服虔云射師若教子鬬班也射師被

梏不言舍之何以得殺子元也知射師與班必非一  
人也杜譜以為鬬射師若教子鬬班若教孫周禮掌

囚上罪梏拳而桎中罪桎梏下罪梏梏拳共文拳施於手知梏亦手也鄭玄序云在手曰梏在足曰桎是先儒同此說也易大畜六四童牛之梏牛云梏者牛雖無手謂梏前足也○秋申公鬬班

殺子元注申楚縣楚僭號縣尹皆稱公音義

僭子念反

鬬

穀於菟為令尹自毀其家以紓楚國之難注鬬穀於

菟令尹子文也毀滅紓緩也音義

穀奴走反楚人謂乳曰穀漢書作穀

音同於音烏菟音徒紓音舒一音直汝反難乃旦反下注同

○冬遇于魯濟謀山

戎也以其病燕故也注齊桓行霸故欲為燕謀難燕

國今薊縣音義

為于偽反薊音計

經三十有一年春築臺于郎注無傳刺奢且非土功之

時音義

刺七  
賜反

夏四月薛伯卒注無傳未同盟

築臺于薛注無傳薛魯地

六月齊侯來獻戎捷注傳例曰諸侯不相遺俘捷獲也

獻奉上之辭齊侯以獻捷禮來故書以示過音義

捷在  
妄反

遺唯季反傳

疏

注正義曰捷勝也戰勝而有獲獻其獲  
故以捷為獲也釋例曰歸者遺也獻者

同俘音孚

自下奉上之一稱遺者敵體相與之辭傳曰諸侯不相遺  
俘齊侯楚人失辭稱獻失禮遺俘故因其來辭見自卑

也以其大甲故書以示過此經言獻捷傳言遺俘則是獻捷獻囚俘也襄八年邢邱之會傳稱鄭伯獻捷于會又曰獲司馬變獻于邢邱是獻俘謂之捷也襄二十五年鄭公孫舍之帥師入陳傳稱司空致地司徒致民是不以俘囚歸也亦云子產獻捷于晉然則無囚而獻其功空有器物亦稱捷也

秋築臺于秦注無傳東平范縣西北有秦亭

冬不雨注無傳不書旱不為災例在僖三年

傳三十一年夏六月齊侯來獻戎捷非禮也凡諸侯

有四夷之功則獻于王王以警于夷注以警懼夷狄

音義

警音景懼戎懼也

中國則否諸侯不相遺俘注雖夷狄

俘猶不以相遺

經三十有二年春城小穀注小穀齊邑濟北穀城縣城

中有管仲井大都以名通者則不繫國疏

注正義曰傳稱為管仲知

是齊邑管仲所食采邑也吳滅州來晉滅下陽如此之類皆不繫國知大都以名通者則不繫國也華玄向寧入于宋南里以叛南里非大都不得以名通故繫之宋耳賈逵云不繫齊者世其祿然則彼不繫者豈皆世其乎祿

夏宋公齊侯遇于梁丘注齊善宋之請見故進其班梁

丘在高平昌邑縣西南

秋七月癸巳公子牙卒注牙慶父同母弟僖叔也飲酖而死不以罪告故得書卒書日者公有疾不責公不與

小斂音義

酖音鳩本亦作鵠與音預斂力艷反

八月癸亥公薨于路寢注路寢正寢也公薨皆書其所

詳凶變疏

注正義曰公羊傳曰路寢者何正寢也喪大記曰男子不死於婦人之手婦人不死於男

子之手君夫人卒于路寢鄭玄云言死必於正處也是薨于路寢得其正也言詳凶變者釋例云詳內事謹凶

變

冬十月己未子般卒注子般莊公太子先君未葬故不

稱爵不言殺諱之也音義

般音班殺音試一音如字下同疏注正義曰

問後於叔牙若已有太子則不應須問當問之時似未

有太子也季友以死奉般醢殺叔牙蓋於爾時始命為

大子公薨而般立知其為太子也子惡之死也直書子

卒不書名此子般及子野皆書名者釋例曰公子惡魯

之正適嗣位免喪則魯君也襄仲倚齊而弑之國以為

諱故不稱君若言君之子也及子般子野或見殺或不

勝喪言罪則不足成貶為孝而滅性故直畧而書卒也

又曰未成君而卒若君未葬則嗣子書名在喪之禮也

既葬則嗣君諒闇羣臣復吉免喪則成君也文公既葬

襄仲殺惡及視書曰子卒與未成君同文所以為諱也

如杜此言未葬之前生則直稱為子死則書曰子某卒

猶外諸侯生稱其爵死書其名以為禮之常也既葬則

嗣子成君以禮而卒當稱公薨全成君也子惡父既葬

魯人諱其弑不得稱君其實已葬不得從子般子野未

葬之例故書子卒而不稱名以示似未成君其實已成  
為君上不得同閔公下不得同般野故直書為子繫之  
於父若言君之子也公羊以為君存稱世子君薨稱子  
某既葬稱子踰年稱公據子般子野卒似欲當然但左  
氏稱宋桓公卒未葬而襄公會諸侯故曰子即發例曰  
凡在喪公侯曰子是未葬稱子傳之明文不得如公羊  
也說

公子慶父如齊注無傳慶父既殺子般季友出奔國人  
不與故懼而適齊欲以求援時無君假赴告之禮而行

狄伐邢注無傳邢國在廣平襄國縣疏

注正義曰明年有傳而言無者

明年自為管仲之言發端耳非說此年伐邢之事故言無傳



傳三十二年春城小穀為管仲也注公感齊桓之德

故為管仲城私邑音義

為于偽反注及下同

○齊侯為楚伐鄭

之故請會于諸侯注楚伐鄭在二十八年謀為鄭報

楚宋公請先見于齊侯夏遇于梁丘音義

見賢遍反又如字

○秋七月有神降于莘注有神聲以接人莘號地音

義

莘所中反疏注

正義曰易稱神也者妙萬物而為言者雖復鬼神之神亦無形象可見今言神

降則人皆聞知故知有神謂有神聲以接人也吳孫權時有神自稱王表言語與人無異而形不可見今此神降于莘蓋亦王表之類神者氣也當在人上今下接人故稱降也國語說此事稱肉史過對王云昔

昭王娶於房曰房后實有爽德協於丹朱丹朱馮身  
以儀之生穆王焉若由是觀之其丹朱之神乎下說  
神居莘而號公請土內史過  
往聞號請命知莘是號地  
惠王問諸內史過曰是

何故也注內史過周大夫音義

禾過反

對曰國之將興

明神降之監其德也將亡神又降之觀其惡也故有

得神以興亦有以亡虞夏商周皆有之注亦有神異

音義

監本又作鑑古暫反

疏

正義曰國語內史過曰夏之興也祝融降於崇山其亡也回祿信於

黔隧商之興也檇杭次於丕山其亡也夷羊在牧周之興也鶩鶩鳴於岐山其衰也杜伯射宣王於鎬是夏商周之所有也其虞則國語不言焉未知其所謂也服虔云虞舜祖考來格鳳皇來儀百獸率舞案虞

書變說舜樂所致非神降也必其傳會尚書以  
為得神以興則虞舜得神以亡者又安在也 王曰

若之何對曰以其物享焉其至之日亦其物也注享

祭也若以甲乙日至祭先脾玉用蒼服上青以此類

祭之音義

脾婢疏注正義曰此降莘之神非祀典所  
支反疏載神必須祭故內史過令以其物

享之其物不知所謂更以至日釋之謂此神初降之  
日以其至日之物也月令春其日甲乙夏其日丙丁  
中央土其日戊己秋其日庚辛冬其日壬癸所用之  
物月令俱有其文注引甲乙所用舉一隅也丙丁日  
至祭用肺玉服皆赤也戊己日至祭用心玉服皆黃  
也庚辛日至祭用肝玉服皆白也壬癸日至祭用腎  
玉服皆  
玄也 王從之內史過往聞號請命注聞號請於神

求賜土田之命反曰號必亡矣虐而聽於神神居莘

六月疏

正義曰國語稱惠王十五年神降于莘年表惠王五年是魯莊公之十八年則此年惠王

十五年也上云七月降神則今年七月降也居莘六月號公使祝史享馬則今年十二月也內史過往已聞號請命則過至號亦十二月也傳先說王號公使事使了後論號事以終內史之言故文倒耳

祝應宗區史囂享馬神賜之土田注祝大祝宗宗人

史太史應區囂皆名音義

區邱于反囂五中反大祝音泰下同

史囂曰

號其亡乎吾聞之國將興聽於民注政順民心將亡聽於神注求福於神神聰明正直而壹者也依人而

行注唯德是與號多涼德其何土之能得注涼薄也

為僖二年晉滅下陽傳音義

涼音良

疏

正義曰國語曰耳目心之樞機

也故必聽和而視正聽和則聰視正則明然則所謂聰明者不聽淫辭不視邪人之謂也襄七年傳曰正直為正正曲為直言正者能自正直者能正人曲而壹者言其一心不二意也依人而行謂善則就之惡則去之號多薄德神所不依其何土之能得言賜之土田必虛妄也若神所不依則不應賜土而言神賜之土田者神厭其人不告以實猶晉獻公筮以驪姬為夫人亦云吉耳

○初公築臺臨

黨氏注黨氏魯大夫築臺不書不告廟音義

黨音掌

見

孟任從之閼注孟任黨氏女閼不從公音義

閼音祕

疏

正義曰服虔云從之言欲與通也

而以夫人言許之注許以為夫人

割臂盟公生子般馬雩講于梁氏女公子觀之注雩

祭天也講肄也梁氏魯大夫女公子子般妹音義

肄音

四又以疏

注正義曰魯以周公之故得郊祀上天故雩亦祭天也文四年傳曰臣以為肄業及

之也肄謂習業故講為肄

圉人犖自牆外與之戲注圉人掌養馬

者以慢言戲之音義

犖音洛又力角反

疏

注正義曰周禮圉人掌養馬芻牧之

事昭七年傳曰馬有圉牛有牧

子般怒使鞭之公曰不如殺之是不

可鞭犖有力馬能投蓋于稷門注蓋覆也稷門魯南

城門走而自投接其屋之桷反覆門上音義

覆芳疏服反

注正義曰稷門為魯南城門蓋時人猶以名之故知也投蓋者謂自投其身以蓋物故以為走而自投反覆門上劉炫規過云公言聲有力馬如杜此說勁捷耳非有力也當謂投車蓋過於稷門今知不然者周禮車蓋以物帛為之輕而帆風非可投之物且傳直云投蓋于稷門不云過稷門明知自投反覆稷門之上今時猶然且游楚超乘而出女曰子南夫也則勁捷之人亦是勇力之事劉君以勁捷非力而規杜氏

非也公疾問後於叔牙對曰慶父材注蓋欲進其同母

凡問於季友對曰臣以死奉般注季友莊公母弟故

欲立般公曰鄉者牙曰慶父材成季使以君命命僖

叔待于鉞巫氏注成季季友也鉞巫氏魯大夫音義

鄉許亮反鉞其廉反使鉞季酖之注酖鳥名其羽有毒以畫酒

飲之則死音義

畫音獲

疏

注正義曰說文云酖毒鳥也一名運日廣雅云鵠鳥雄曰

運日唯曰陰諧廣志云鵠鳥形似鷹大如鷄毛黑喙長七八寸黃赤如金食蛇及橡實常居高山巔晉諸

公譖云鵠鳥食蝮以羽翮標酒水中飲之則殺人舊制鵠不得渡江有重法石崇為南中郎得鵠以與王

愷養之大如鵠喙長尺餘純食蛇虺司隸傳祗於愷家得此鳥秦之宣示百官燒於都街是說鵠鳥之狀

也以其因酒毒人故字或為酖

曰飲此則有後於魯國不然死且無

後飲之歸及達泉而卒立叔孫氏注達泉魯地不以



罪誅故得立後世其祿○八月癸亥公薨于路寢子

般即位次于黨氏注即喪位次舍也○冬十月己未

共仲使圉人瑍賊子般于黨氏注共仲慶父音義

共音

恭成季奔陳注出奔不書國亂史失之立閔公注閔

公莊公庶子於是年八歲音義閔公謹反疏注正義曰傳稱閔公哀姜

之娣叔姜之子哀姜以二十四年八月始入娣  
必與適俱行當以二十五年生子故云八歲

春秋左傳注疏卷九

春秋左氏傳注疏卷九考證

公如齊觀社疏皆但書而不言其事○推尋文義應作  
皆但書如不言其事

蕭叔朝公注蕭附庸國叔名○

臣召南

按十二年傳蕭

叔大心似此人字叔名大心也杜以附庸之君例稱  
名故以叔為名耳

傳曹劌諫曰不可○王應麟困學紀聞曰劌問戰諫觀  
社藹然儒者之言公羊乃有盟柯之事史記遂以曹

沫列刺客之首此戰國之風春秋初未有此習也

傳譖富子而去之○陳傅良曰為殺太子申生起傳後

見二十四年二十五年臣召南按晉盡去諸公族後

日六卿擅權三家裂土即始於此不止為太子申生

起本也

郭公注蓋經闕誤也○臣浩按杜說遠勝二傳

公子友如陳注諸魯出朝聘皆書如○臣浩按東萊集

解引此作諸魯大夫出朝聘皆書如多大夫二字於

文義為合

傳伐鼓於朝○劉敞曰日食變之大者豈可以非正陽  
安而視之春秋所以書者譏其不鼓于朝乃鼓于社  
又用牲耳

公會宋人齊人伐徐注無傳宋序齊上主兵○東萊集  
解引此注主兵句下有徐國在下邳鄆縣七字

臣名

南按此文既在僖三年之前則徐國自應有注但鄆  
縣應作僮縣耳

傳晉士為為大司空注大司空卿官○趙汭補注曰傳見晉變周制僭王官

傳王使召伯廖賜齊侯命○

臣召南

按齊桓霸業始於

十三年會北杏至此二十七年實受王命為侯伯

傳子元闕御疆闕梧耿之不比為旆疏釋天云緇廣充

幅長尋曰旐○

臣浩

按爾雅以旌旂附釋天卷疏引

之故曰釋天云云監本作釋文非也今改正

城諸及防注諸今城陽諸縣○

臣召南

按諸縣兩漢屬

琅邪晉屬城陽別本脫諸字

傳凡師有鐘鼓曰伐無曰侵○趙汭補注曰外傳晉語  
趙宣子曰伐備鐘鼓聲其罪也襲侵無聲為慝事也  
傳例盖本此

傳遇於魯濟注燕國今薊縣○臣召南按薊縣漢屬廣

陽國晉屬燕國杜注薊縣之上不言燕國從省文也

春秋左氏傳注疏卷九考證



欽定四庫全書薈要卷一千一百二十六

經部

春秋左傳注疏卷十

起閔公元年盡二年

晉杜氏注 唐陸德明音義 孔穎達疏

閔公音義

陸曰閔公名啟方莊公之子母叔姜史記云名開謚法在國遭難曰閔

疏正

曰魯世家閔公名開莊公之子惠王十六年即位杜世族譜云名啟方漢景帝諱啟啟開因是而亂杜譜云啟方從世本文謚法在國逢難曰閔是歲歲在大梁

經元年春王正月

齊人救邢

夏六月辛酉葬我君莊公

秋八月公及齊侯盟于落姑注落姑齊地季子來歸注

季子公子友之字季子忠於社稷為國人所思故賢而

字之齊侯許納故曰歸疏

正義曰季是友之字也子者男子之美稱國人賢而思之

得其還魯喜而呼曰季子來歸史因其言而書之傳稱請復季友齊侯許之是得齊之力齊侯許納故曰歸也

冬齊仲孫來注仲孫齊大夫以事出疆因來省難非齊

侯命故不稱使也還使齊侯務寧魯難故嘉而字之來

者事實省難其志也故經但書仲孫之來而傳尋仲孫

之志音義

疆居良反難乃疏注正義曰傳稱仲孫湫則旦反下及傳同名湫而字仲孫也杜言以

事出疆或使向他國因來省魯難非齊侯命之使來而不稱君命故不言齊侯使也諸侯之卿例當書名此人還國使齊侯務寧魯難明年即有高子來盟是齊侯用其言魯人知其事不書其名嘉而字之杜云稱字嘉之則仲孫是字猶楚之孫伯或亦以孫為字也來者身來至魯是事實也省難心自省之是其志也雖志在省難不告魯人云已省其難故經據實事但書仲孫之來傳尋仲孫之志言其來省難也

傳元年春不書即位亂故也注國亂不得成禮○狄

人伐邢注狄伐邢在往年冬管敬仲言於齊侯曰戎

狄豺狼不可厭也注敬仲管夷吾音義

豺士皆反狼音郎厭於鹽

反諸夏親暱不可棄也注諸夏中國也暱近也音義

夏戶雅反  
暱女一反

宴安酖毒不可懷也注以宴安比之酖毒

音義

宴於見反本又作晏音同  
一音烏諫反酖直蔭反

詩云豈不懷歸畏此

簡書注詩小雅美文王為西伯勞來諸侯之詩音義

勞來力報反  
下力代反

疏

正義曰戎狄之心若豺狼之獸不可  
厭足也言其當伐戎狄也諸夏之國

皆親近之人不可遺棄也言其當救邢也宴安自逸  
若酖毒之藥不可懷戀也言其當自勞也詩小雅出

車之篇美文王勞來諸侯令賢臣出使此臣在外思  
歸而以王事自勉言我豈不思歸乎誠思歸也但畏  
此簡書來告急耳諸侯有事則書之於簡遣使執簡  
以告命告則須救故畏而不歸也此簡書者同有所

惡則相憂之謂也請救邢以從簡書傳稱勤則不匱  
安則敗名齊侯縱心宴安不欲征伐安則自損其身  
故言酖毒以勸之釋獸云豺狗足郭璞云脚似狗說  
文云豺狼屬狗聲釋獸又云狼牡豺狼舍人曰牡  
名獾牝名狼陸璣毛詩義疏云狼鳴能小能大善為  
小兒啼聲以誘人去數十步其猛健者雖善用兵者  
不能免也二者皆貪殘之獸故比戎狄也注正義曰  
敬諡諡法夙夜勤事曰敬仲字管氏夷吾名○此言  
諸夏襄四年傳魏絳云諸華必叛華夏皆謂中國也  
中國而謂之華夏者夏大也言有禮儀之大有文章  
之華也暱近釋詁文舍人曰暱戚之近也言中國諸侯情親而路近

簡書同惡相恤之

謂也注同恤所惡請救邢以從簡書齊人救邢○夏  
六月葬莊公亂故是以緩注十一月乃葬○秋八月

公及齊侯盟于落姑請復季友也注閔公初立國家

多難以季子忠賢故請霸主而復之齊侯許之使召

諸陳公次于郎以待之注非師旅之事故書次季子

來歸嘉之也○冬齊仲孫湫來省難注湫仲孫名音

義湫子書曰仲孫亦嘉之也仲孫歸曰不去慶父魯

難未已注時慶父亦還魯音義公曰若之何去起呂反下同

而去之對曰難不已將自斃注斃踣也音義公曰若之何斃婢世反踣薄

北君其待之公曰魯可取乎對曰不可猶秉周禮周

禮所以本也臣聞之國將亡本必先顛而後枝葉從之魯不棄周禮未可動也君其務寧魯難而親之親

有禮因重固注能重能固則當就成之疏

注正義曰服虔云重

不可動因其不可動而堅固之杜以此傳四句相類間攜貳攜貳皆間之覆昏亂昏亂皆敗之知此重固皆因之則非因重而固之間攜貳注離而相疑者則當因而間之

音義

間間廁之間注同

覆昏亂注覆敗也音義

覆芳服反注同

霸王

之器也注霸王所用故以器為喻音義

王于況反注同

○晉

侯作二軍注晉本一軍見莊十六年音義

見賢遍反

公將

上軍大子申生將下軍趙夙御戎畢萬為右注為公

御右也夙趙衰兄畢萬魏犢祖父音義

將子匠反下及注同衰初

危反犢

注正義曰史記趙世家夙生共孟孟生趙尺由反

疏注正義曰史記趙世家夙生共孟孟生趙

杜以夙為衰兄從晉語也魏世家畢萬生武子世卒

畢萬生芒季季生武仲州州即犢也杜以萬為犢之

祖父依世本也

以滅耿滅霍滅魏注平陽皮氏縣東南有耿

鄉永安縣東北有霍大山三國皆姬姓音義

耿古幸反國名

還為大子城曲沃賜趙夙耿賜畢萬魏以為大夫士

為曰大子不得立矣分之都城而位以卿先為之極



又焉得立注位以卿謂將下軍音義

還為于偽反焉於虔反

不

如逃之無使罪至為吳大伯不亦可乎注大伯周大

王之適子知其父欲立季歷故讓位而適吳音義

大音

秦注同適子丁

疏

注正義曰史記吳世家云吳大伯弟仲雍皆周大王之子而王季歷

之兄也季歷賢而有聖子昌大王欲立季歷以及昌於是大伯仲雍二人乃奔荆蠻以辟季歷季歷果立

是為王季是大伯讓位適吳之事

猶有令名與其及也注言雖去猶

有令名勝於留而及禍疏

正義曰言逃雖失國猶有善名與其留而及禍也何

者為勝勸之使逃

且諺曰心苟無瑕何恤乎無家天若祚大

子其無晉乎注為晉殺申生傳音義

諱音彦祚在路反

卜偃

曰畢萬之後必大注卜偃晉掌卜大夫萬盈數也魏

大名也疏

正義曰以算法從一至萬每十則改名至萬以後稱一萬十萬百萬千萬萬萬始名

億從是以往皆以萬為極是至萬則數滿也以是始論語云巍巍乎其有成功是魏為高大之名

賞天啟之矣天子曰兆民諸侯曰萬民今名之大以

從盈數其必有衆注以魏從萬有衆象初畢萬筮仕

於晉遇屯



注震下坎上屯音義

屯張倫反

之比



注坤下坎上比屯初九變而為比音義

比毗志反注及下同

疏

正義曰震下坎上為屯說卦云震動也坎象云坎險也動而遇險有屯難之象坤下坎上為比說卦坎為水坤為地水潤下而地受之相親比之象也

**辛廖占之曰吉注辛廖晉大**

**夫音義**

廖力疏注正義曰杜云辛廖晉大夫則以畢

國而筮何得云筮仕於晉又辛甲辛有並是周人何故辛廖獨為晉大夫今知不然者傳以畢萬是畢國子孫今乃筮仕於晉言於晉以對畢耳非謂筮時在他國也案昭十五年傳云及辛有之二子董之晉於是乎有董史注云辛有周人二子適晉為大史則辛氏雖出於周枝流於晉劉炫用服氏之說以為畢萬在周筮仕於晉又以晉國不得有姓辛而規杜過其義非也

**屯固比入吉孰大焉**

**其必蕃昌注屯險難所以為堅固比親密所以得入**

音義

蕃音煩

震為土注震變為坤車從馬注震為車坤

為馬疏

注正義曰晉語云司空季子占公子重耳之筮云震車也坤象云利牝馬之貞是坤為馬

也下注震為足震為長男坤為母坤為衆皆說卦文也

足居之注震為足兄長

之注震為長男音義

長丁丈反

母覆之注坤為母衆歸之

注坤為衆六體不易注初一爻變有此六義不可易

也合而能固安而能殺公侯之卦也注比合屯固坤

安震殺故曰公侯之卦疏

注正義曰震之為殺傳無明文晉語云震車也車有

威武昭二十五年傳云為刑罰威獄以類其震曜殺戮是震為威武殺戮之意故震為殺也

公侯

之子孫必復其始注萬畢公高之後傳為魏之子孫

衆多張本疏

正義曰萬是畢公之後公侯之子孫必當復其初始言此人子孫又將為公侯

也及春秋之後三家分晉而魏為諸侯是其筮之驗也

經二年春王正月齊人遷陽注無傳陽國名蓋齊人偏

徙之疏

注正義曰世本無有陽國不知何姓杜世族譜土地名闕不知所在與宋人遷宿文同知陽是

國名蓋齊人偏遷之

夏五月乙酉吉禘于莊公注三年喪畢致新死者之主於廟廟之遠主當遷入祧因是大祭以審昭穆謂之禘

莊公喪制未闋時別立廟廟成而吉祭又不於大廟故

詳書以示譏音義

禘大計反桃他彫反昭上疏注正義饒反闋苦六反大廟音泰

十三年傳曰凡君薨卒哭而祔祔而作主特祀於主烝嘗禘於廟禘祀為吉祭說喪事而言禘知禘是喪終而吉祭也襄十五年晉悼公卒十六年傳稱晉人答穆叔云以寡君之未禘祀知三年喪畢乃為禘也喪畢而為禘祭知致新死之主於廟也新主入廟則遠主當遷知遷入桃者祭法云天子七廟有二桃則桃是遠祖廟也周禮守桃掌守先王先公之廟桃其遺衣服藏焉廟之遠主其廟既遷主無所處固當遷入桃也鄭玄以二桃為文王武王之廟遷主入廟當各從其班穆入文桃昭入武桃禮諸侯五廟更無別桃則當謂大祖之廟為桃也遠主初始入桃新死之主又當與先君相接故禮因是而為大祭以審序昭穆故謂之禘禘者諦也言使

昭穆之次審諦而不亂也莊公以其三十二年八月薨  
至此年五月唯二十二月故喪制未闋也公羊傳曰其  
言于莊公何未可以稱宮廟也曷為未可以稱宮廟在  
三年之中矣三年之中未得以禮遷廟而特云莊公知  
為莊公別立廟廟成而吉祭也僖八年禘于大廟文二  
年大事于大廟宣八年有事于大廟彼言大事有事亦  
禘祭也則禘禮必于大廟今未可以吉祭而為吉祭又  
不于大廟故詳書以示譏也既云吉禘又云于莊公是  
其詳也

秋八月辛丑公薨注實弒書薨又不地者皆史策諱之

九月夫人姜氏孫于邾注哀姜外淫故孫稱姜氏音義

孫音遜

疏

注正義曰此決莊元年夫人孫于齊不稱姜氏也賈服之說皆以為文姜殺夫罪重故去

姜氏哀姜殺子罪輕故不去姜氏故杜為此言以異之言外淫者謂與外姓為淫

公子慶父出奔莒注弑閔公故

冬齊高子來盟注無傳蓋高僂也齊侯使來平魯亂僖

公新立因遂結盟故不稱使也魯人貴之故不書名子

男子之美稱音義

美稱尺證反

疏

注正義曰莊二十二年及齊高僂盟于防自爾以來

不見經傳故云蓋高僂也往年仲孫湫勸齊侯使寧魯難今而高子適魯知齊侯使來平魯亂也當齊侯初命高子之時慶父未出僖公未立及其至魯值僖公新立因遂與魯結盟而立之不云齊侯使者盟非齊侯之命故不稱使也齊侯不使之盟而高子輒為盟者齊侯使之來平魯亂新君既立遂盟而安之亦足稱齊侯之意



其盟非專擅也魯人不能自安高子盟以安之魯人貴之故不書其名子者男子之美稱故呼之曰高子穀梁傳曰其曰來喜之也其曰高子貴之也盟立僖公也然則盟立僖公必僖公共盟不言公及齊高子盟者桓十四年鄭伯使其弟語來盟文十五年宋華孫來盟皆不言公及則不書公者春秋之常也晉荀庚衛孫良夫並為來聘既行聘禮更與公盟非是直為盟來故聘後別言及耳

十有二月狄入衛注書入不能有其地例在襄十三年

鄭棄其師注高克見惡久不得還師潰而克奔陳故克

狀其事以告魯也音義

惡烏路反

疏

注正義曰此事詩序具焉大夫出奔

多是本國來告傳稱晉侯使以殺太子申生之故來告又衛殺孔達告於諸侯是其本國告也宣十年傳例曰

凡諸侯之大夫違告於諸侯曰某氏之守臣某失守宗廟敢告是大夫私家之告辭昭二十六年王子朝奔楚傳稱告于諸侯是奔者自告也此鄭文公心惡高克而欲得遠之克既奔陳無罪可告故杜以為高克自狀其事以告魯魯史以為克若將師出奔是為棄師之道不書高克出奔而書鄭棄其師者案詩序云公子素惡高克進之不以禮文公退之不以道危國亡師之本是棄其師也穀梁傳曰鄭棄其師惡其長也兼不反其衆則是棄其師也

傳二年春虢公敗犬戎于渭汭注犬戎西戎別在中

國者渭水出隴西東入河水之隈曲曰汭音義

汭如銳反

隈鳥疏注正義曰西方曰戎知犬戎是西戎別在中回反疏國者也釋例曰渭水出隴西狄道縣鳥鼠同

兗山東經南安天水略陽扶風始平京兆至弘農華陰縣入河釋丘云隩隈厓內為隩外為隈李巡曰厓內近水為隩孫炎云內隈曲裏也彼雖不言洶洶即隩也而洶字以內為聲明是水之隈曲之內也舟

之僑曰無德而祿殃也殃將至矣遂奔晉注舟之僑

號大夫音義

僑音喬注同

○夏吉禘于莊公速也○初公

傅奪卜齎田公不禁注卜齎魯大夫也公即位年八

歲知愛其傅而遂成其意以奪齎田齎忿其傅并及

公故慶父因之音義

齎魚疏反

注正義曰莊公三十二年注云閔公於是年八

歲此云即位年八歲者閔公之年歲傳文不明服虔於莊三十二年注云閔公於是年九歲於此注云公

即位時年九歲僖二年注云閔公死時年九歲杜知其不可故於莊公之末注言年八歲以異之嗣子位定於初喪言即位者亦謂初立之年也秋八月辛丑共仲使卜齋賊公

于武闈注宮中小門謂之闈音義

共音恭闈音韋一音暉

疏

注正

義曰釋宮云宮中之門謂之闈其小者謂之閨小闈謂之閨彼就小門之內更別以為二名大率宮中之門皆小故云宮中小門也名之曰武則其義未聞成季以僖公適邾注僖公

閔公庶兄成風之子共仲奔莒乃入立之以賂求共

仲于莒莒人歸之及密使公子魚請注密魯地琅邪

費縣北有密如亭公子魚奚斯也音義

費音秘又扶味反

不

許哭而往共仲曰奚斯之聲也乃縊注慶父之罪雖

重季子推親親之恩欲同之叔牙存孟氏之族故略

其罪不書殺又不書卒音義

縊一賜反

疏

注正義曰叔牙云慶父材者始

有黨慶父之心本其惡未顯見故季子隱之而書其卒若自死然慶父弑二君其罪已章著計當書其誅

殺季子推親親之恩欲同之叔牙存孟氏之族故略其罪不書殺也又不可全同叔牙故又不書卒慶父

子孫終為孟氏是季子推親親之恩枉正法耳

閔公哀姜之娣叔姜之子也

故齊人立之共仲通於哀姜哀姜欲立之閔公之死

也哀姜與知之故孫于邾齊人取而殺之于夷以其

尸歸注為僖元年齊人殺哀姜傳夷魯地音義

與音預孫

音遜僖公請而葬之注哀姜之罪已重而僖公請其喪

還者外欲固齊以居厚内存母子不絕之義為國家

之大計○成季之將生也桓公使卜楚丘之父卜之

注卜楚丘魯掌卜大夫曰男也其名曰友在公之右

注在右言用事間于兩社為公室輔注兩社周社亳

社兩社之間朝廷執政所在音義

亳步各反疏

注正義曰王者取五

色之土封以為社若封諸侯隨方割其土包之以白茅賜之使立國社魯是周之諸侯故國社謂之周社

哀四年亳社災是魯國有亳社穀梁傳曰亳社者亳之社也亳亡國也亡國之社以為廟屏戒也則亳社在宗廟之前也周禮小宗伯掌建國之神位右社稷左宗廟則諸侯亦當然定二年雉門及兩觀災則兩觀在雉門外也禮運云昔者仲尼與於蜡賓事畢出遊於觀之上蜡祭在廟故出廟而遊於觀也由此言之宗廟社稷在雉門之外分左右廂也鄭玄考校禮文以為魯制三門庫雉路天子諸侯皆三朝圖宗人之嘉事則有路寢庭朝日出視朝則在路門之外其詢國危詢國遷詢立君周禮朝士所掌外朝之位者乃在雉門之外耳雉門之外左有亳社右有周社間于兩社是在兩社之間朝廷詢謀大事則在此處是執政之

**季氏亡則魯不昌疏**  
正義曰服虔云謂季友出奔魯弑二君案傳子般既死乃云成季奔陳閔公既死乃云成季適邾皆君死乃出奔非由出奔乃致君死杜雖無注義必不

然當謂季友子孫與魯升降從此以後季氏世為上卿終於春秋禮記稱悼公之喪季昭子問為君何食以後雖則無文當是與魯俱滅也又筮之遇大有䷍注乾下離上

大有之乾䷍注乾下乾上乾大有六五變而為乾

曰同復于父敬如君所注筮者之辭也乾為君父離

變為乾故曰同復于父見敬與君同疏

注正義曰此雖六五爻變

不取周易之文筮者推演卦意自為其辭也離是乾子還變為乾故云同復于父言其尊與父同也國人敬之其敬如君之處所言其貴與君同也說卦乾為君父言其身之尊則云同復于父言其為人所敬則云敬如君所屬意異故分為二也及生有文在其手曰友遂以命之



注遂以為名○冬十二月狄人伐衛衛懿公好鶴疏

正義曰陸璣毛詩義疏云鶴形狀大如鶩長脚青翼高三尺餘赤目赤頰喙長四寸餘多純白或有蒼色蒼色者今人謂之赤頰常夜半鳴故淮南子曰雞知將旦鶴知夜半其鳴高亮聞八九里雌者聲差下今吳人園囿中及士大夫家皆養之鶴有乘軒者注軒大夫車音義

好鶴

呼報反下户各反軒許元反

疏

注正義曰定十三年傳稱齊侯斂諸大夫之軒故杜云軒大夫車也

服虔云車有藩曰軒

將戰國人受甲者皆曰使鶴鶴實有祿位

余焉能戰公與石祁子玦與甯莊子矢使守注莊子

甯速也玦玉玦音義

馬於虔反玦古穴反守手又反下告守及注同

曰以此

贊國擇利而為之注贊助也決示以當決斷天示以

禦難音義

斷丁亂反  
難乃旦反

與夫人繡衣曰聽於二子注取

其文章順序渠孔御戎子伯為右黃夷前驅孔嬰齊

殿注傳言衛侯失民有素雖臨事而戒猶無所及音

義

殿丁  
練反

及狄人戰于滎澤衛師敗績遂滅衛注此滎

澤當在河北君死國散經不書滅者狄不能赴衛之

君臣皆盡無復文告齊桓為之告諸侯言狄已去言

衛之存故但以入為文音義

滎戶高反無復扶又反  
下復逐同為之于偽反

下文為

疏

注正義曰禹貢豫州滎波既豬導沈水入于河溢為滎是滎在河南此時衛都河北

為狄所敗乃東徙渡河故知此滎澤當在河北但沈水入河乃決被河南多故專得滎名其北雖少亦稱

也滎侯不去其旗是以甚敗狄人囚史華龍滑與禮

孔以逐衛人二人曰我大史也實掌其祭不先國不

可得也注夷狄畏鬼故恐言當先白神音義

去起呂反藏也

一云除也華胡化反大音泰恐丘勇反

乃先之至則告守曰不可待也

注守石甯二大夫夜與國人出狄入衛遂從之又敗

諸河注衛將東走渡河狄復逐而敗之初惠公之即

位也少注蓋年十五六音義

少詩疏照反

注正義曰衛宣公以隱四年立

桓十二年卒終始二十年耳即位之後及納急子之妻生壽及朔朔既有兄知其蓋年十五六耳

齊

人使昭伯烝於宣姜不可強之注昭伯惠公庶兄宣

公子頑也昭伯不可音義

烝之承反強其丈反

生齊子戴公文

公宋桓夫人許穆夫人文公為衛之多患也先適齊

及敗宋桓公逆諸河注迎衛敗衆宵濟注夜渡畏狄

衛之遺民男女七百有三十人益之以共滕之民為

五千人注共及滕衛別邑音義

共音恭

立戴公以廬于

曹注廬舍也曹衛下邑戴公名申以其年卒而立文

公音義

廬力居反于曹詩作漕音同

疏

注正義曰周禮秋官野廬氏掌道路宿息地官遺人

云凡國野之道十里有廬廬有飲食是廬為舍也廬于曹者言隨宜寄舍耳曹邑雖闕不知其處當在河東近楚丘也戴公名申世本世家文經傳皆云十二月狄入衛衛人東徙渡河收集離散乃立戴公此年之末文公即位計戴公為君不過十數日耳言立一年卒者滅而復興不是嗣位故成喪為諡文公繼世而立明年始為元年故戴公雖復日少亦稱一年許年表亦以此年為戴公元年今定本云以其年卒

穆夫人賦載馳注載馳詩衛風也許穆夫人痛衛之

亡思歸唁之不可故作詩以言志音義

唁音彥

齊侯使

公子無虧帥車三百乘甲士三千人以戍曹注無虧

齊桓公子武孟也車甲之賦異於常故傳別見之音

義

虧去危反乘繩證反下及注同見賢遍反

歸公乘馬祭服五稱牛羊豕

鷄狗皆三百與門材注歸遺也四馬曰乘衣單複具

曰稱門材使先立門戶音義

稱尺證反狗音苟遺于季反單複音丹下方服

反

疏

注正義曰歸者不反之辭故為遺也周禮校人云乘馬一師四圉圉養一馬故云四馬曰乘以

乘車并師五人必駕四馬故也喪大記曰袍必有表不禪衣必有裳謂之一稱是衣禪複具曰稱歸

夫人魚軒注魚軒夫人車以魚皮為飾疏

注正義曰詩云象弭

魚服此云魚軒。用魚為飾。其皮可以飾器物者。唯魚獸耳。故云以魚皮為飾。陸璣毛詩義疏云。魚獸似猪。東海有之。其皮背上有班文。腹下有純青。今人以為弓鞬步叉者也。其皮雖乾燥。為弓鞬矢服。經年海水將潮。及天陰毛皆起。水潮還及晴。則其毛復如故。雖在數千里外。可以知海水之潮。自相感也。重

錦三十兩注重錦。錦之熟細者。以二丈雙行。故曰兩

三十兩三十匹也疏

注正義曰。服虔云。重牢也。杜以其遺夫人。貴美不貴牢。故以為

錦之熟細者。雜記曰。納幣一束。束五兩。兩五尋。八尺曰尋。則五尋四丈。謂之兩者。分為兩段。故也。謂之匹者。兩兩合卷。皆匹偶然也。○鄭人惡高克。使帥師次于河上。久而

弗召。師潰而歸。高克奔陳。注高克。鄭大夫也。好利而

不顧其君文公惡之而不能遠故使帥師而不召音

義

惡鳥路反注同好呼報反遠于萬反

鄭人為之賦清人注清人詩鄭

風也刺文公退臣不以道危國亡師之本音義

為于偽反

○晉侯使太子申生伐東山臯落氏注赤狄別種也

臯落其氏族音義

臯古刀反種章勇反

疏

注正義曰狄有赤狄白狄成十三年傳晉

侯使呂相絕秦云白狄及君同州則白狄與秦相近當在晉西北云東山當在晉東宣十五年晉師滅赤狄潞氏潞則上黨潞縣在晉之東此云伐東山臯落氏知此亦在晉東是赤狄別種也臯落其氏族也此族之人狄之渠帥也

里克諫曰太子奉冢祀社稷之粢盛注里



克晉大夫冢大也音義

染威上音咨下音成

以朝夕視君膳者

也注膳厨膳音義

朝如字又張遙反膳市戰反

疏

注正義曰鄭玄膳夫注云膳之

言善也今時美物曰珍膳是膳者美食之名厨者造食之處故云膳厨膳也禮記云文王之為世子食上必在視寒煖之節食下問所膳命膳宰然後退是太子朝夕視君膳者也故曰冢子君行

則守有守則從從曰撫軍守曰監國古之制也夫帥

師專行謀注帥師者必專謀軍事音義

則守手又反下同從才用

反下同監古銜反

誓軍旅注宣號令也君與國政之所圖也

非太子之事也注國政正卿師在制命而已注命將

軍所制稟命則不威專命則不孝故君之嗣適不可

以帥師君失其官帥師不威將焉用之注太子統師

是失其官也專命則不孝是為帥必不威也音義適

歷反本又作嫡下且臣聞臯落氏將戰君其舍之公

曰寡人有子未知其誰立焉不對而退見太子太子

曰吾其廢乎對曰告之以臨民注謂居曲沃教之以

軍旅注謂將下軍音義將謂將子匠反下不共是懼何

故廢乎疏

正義曰克謂太子還曲沃告百姓以臨示下民之事并教之軍旅之法不共是二事

為懼矣何故憂其廢乎

且子懼不孝無懼弗得立脩已而不責

人則免於難天子帥師公衣之偏衣注偏衣左右異

色其半似公服音義

共音恭本又作供難乃旦反下同公衣之偏於既反下衣身之

偏衣之純衣之疏

注正義曰下云服其身則衣之純衣服注衣之同言此偏衣不純知其左右異色也

又云衣身之偏言公以身衣之偏半衣天子知其半似公服也

佩之金玦注以金為

玦狐突御戎先友為右注狐突伯行重耳外祖父也

為申生御申生以天子將上軍梁餘子養御罕夷先

丹木為右注罕夷晉下軍卿也梁餘子養為罕夷御

羊舌大夫為尉注羊舌大夫叔向祖父也尉音尉音

義

向許文反

疏

注正義曰

羊舌氏也爵為大夫號曰羊舌

叔向故為叔向祖父譜云羊舌氏晉之公族羊舌其所食邑也或曰羊舌氏姓李名果有人盜羊而遺其頭不敢不受受而埋之後盜羊事發辭連李氏李氏掘羊頭而示之以明已不食唯識其舌舌存得免號曰羊舌氏也或曰者不知誰為此言杜所不從記異聞耳

先友曰衣身之偏注偏

半也握兵之要注謂佩金玦將上軍在此行也子其

勉之偏躬無慝注分身衣之半非惡意也音義

慝他得反

兵要遠災注威權在已可以遠害音義

遠于萬反

親

以無災又何患焉狐突歎曰時事之徵也注歎以先  
友為不知君心衣身之章也注章貴賤佩衷之旗也  
注旗表也所以表明其中心音義

衷音忠  
旗音其

故敬其事

則命以始注賞以春夏服其身則衣之純注必以純  
色為服用其衷則佩之度注衷中也佩王者士君子  
常度今命以時卒閱其事也注冬十二月閱盡之時

音義

閱音  
秘

衣之龙服遠其躬也注

龙雜色音義

龙莫  
江反

佩以金玦棄其衷也服以遠之時以閱之龙凉冬殺

金寒玦離胡可恃也注寒涼殺離言無溫潤玦如環

而缺不連疏

正義曰服以遠之覆上衣之龙服也時以闕之覆上命以時卒也上先時後服

此先服後時者以下連龙涼冬殺之文又欲使冬殺與金寒相近冬殺是時故退之在下言龙涼則申上衣之龙服也冬殺則申上命以時卒也龙涼據服冬殺據時耳金寒玦離申上佩以金玦也金是秋之寒氣故言雖欲勉之狄可盡乎梁餘子養曰帥師者受金寒也

命於廟受脤於社注脤宜社之肉盛以脤器音義

脤市

軫反祭社之肉盛音成

疏

注正義曰釋天云起大事動大衆必先有事乎社而後出謂之宜知出兵

必祭社祭社名為宜周禮大宗伯以脤膾之禮親兄弟之國定十四年天王使石尚來歸脤知脤是器物

可執之以賜人也。今言受脤於社，明是祭社之肉，盛以服器，賜元帥也。地官掌蜃，祭祀共蜃器之蜃。鄭玄云：蜃，大蛤蜊之器。以蜃飾，因名焉。有常服矣，不獲而龙命可知也。注

韋弁服，軍之常也。龙偏衣，死而不孝，不如逃之罕夷。

曰：龙奇無常，注雜色，奇怪非常之服。金玦不復，雖復

何為？君有心矣。注有害，大子之心。先丹木曰：是服也。

狂夫阻之，注阻疑也。言雖狂夫猶知有疑。音義

阻莊呂反

疏

注正義曰：劉炫云：阻疑，以意訓耳。今言猶云阻疑，是阻得為疑也。言雖狂夫猶知於此服有疑也。服

虔云：阻止也。方相之士蒙玄衣朱裳，主索室中，毆疫號之為狂夫止。此服言君與大子以狂夫所止之服。

衣之晉語云且是之衣也狂夫阻之衣也韋昭云狂夫方相氏之士也阻古詛字也將服是衣必先詛之是由無正訓各以意解劉以為方相氏狂夫所服玄衣朱裳左右同色不得為偏衣也當服此衣非是意所止也詛乃服之文無

曰盡敵而反注曰公辭音義

盡子忍反疏

注正義曰言公辭者當以公賜之偏衣下盡敵同金玦推其義理原公之意而為之作辭

非公出言作此辭也

敵可盡乎雖盡敵猶有內讒不如違之注

違去也狐突欲行注行亦去也羊舌大夫曰不可違

命不孝棄事不忠雖知其寒惡不可取子其死之注

寒薄也疏

正義曰傳之上下諸言某御戎某為右者謂國君自將此大子亦然者攝君之事故



與君同文也傳歷言將帥御右者以下各有言故此舉其目先友不知君有害太子之心故推此衣佩以為善事勸之狐突數先友不知君意乃極言時衣佩三者反覆以答之罕夷唯舉服佩二事故云尤奇無常金玦不復也其梁餘子養先母木唯言服舉其重者故子養云不獲而危命可知也先母木云是服也狂夫阻之是皆勸太子之行也狐突以衆言同已故決意欲行羊舌大夫乃以忠孝之事勸之使留各以意之所見故其

太子將戰狐突諫曰不可昔辛伯諗

言或深或淺

周桓公云注諗告也事在桓十八年音義

諗音審說文云深謀

內寵竝后外寵二政嬖子配適大都耦國亂之本也  
周公弗從故及於難今亂本成矣注驪姬為內寵二

五為外寵奚齊為嬖子曲沃為大都故曰亂本成矣

疏

注正義曰辛伯之語先有成文其內寵之徒不為晉發故劉炫云二五嬖賤不得為二政天子不以

曲沃作亂不得為大都而杜云驪姬為內寵二五為外寵奚齊為嬖子曲沃為大都者今刪定以為辛伯之言雖不為晉要晉國之亂事理相當故杜以事託之二五為耦墾傷晉室曲沃彊大大子居之又築屈與蒲終為禍難但此據大子故以曲沃為文劉君不達此旨而為規過違傳意也

立可必乎

孝而安民子其圖之注奉身為孝不戰為安民與其

危身以速罪也注有功益見害故言孰與危身以召

罪疏

正義曰去則孝而安民留則危身召罪等與其危身以召罪也豈若孝而安民乎勸使逃也

○成風聞成季之繇乃事之注成風莊公之妾僖公

之母也繇卦兆之占辭音義

繇直救反

而屬僖公焉故成

季立之音義

屬章欲反

○僖之元年齊桓公遷邢于夷儀

二年封衛于楚丘遷邢如歸衛國忘亡注忘其滅亡

之困衛文公大布之衣大帛之冠注大布麤布大帛

厚繒蓋用諸侯諒闇之服音義

衛文公大布之衣本或作衣大布之衣誤

繒疾陵反諒音良又音亮

務材訓農通商惠工注加惠於百工賞

其利器用敬教勸學授方任能注方百事之宜也疏

正義曰務材務在植材用也訓農訓民勤農業也通商通商販之路令貨利往來也惠工加恩惠於百工賞其利器用也敬教敬民五教也勸學勸民學問也授方授民以事皆有方法也任能其所委任信用能人也

元年草車三十乘季年乃三百乘注衛文公以此

年冬立齊桓公始平魯亂故傳因言齊之所以霸衛之所由興草車兵車季年在僖二十五年蓋招懷迸

散故能致十倍之衆音義

乘繩證反下同迸槩諍反

春秋左傳注疏卷十

春秋左氏傳注疏卷十考證

元年冬齊仲孫來注以事出疆因來省難非齊侯命故  
不稱使也○臣召南按杜注非是湫來省難即是齊

侯使之二年高子來盟亦不書齊侯使也杜于此曰  
非齊侯命故稱使于彼又曰齊侯使來平魯亂僖公  
新立因遂結盟故不稱使前後矛盾

傳詩云豈不懷歸畏此簡書注詩小雅美文王為西伯  
勞來諸侯之詩○臣召南按詩出車鄭箋曰西伯以

天子之命出車征伐王殷王也南仲文王之屬也豈  
不懷歸二句毛傳曰簡書戒命也鄰國有急以簡書  
相告則奔命救之是杜注所本

傳請復季友也○趙汭補注曰是時閔公八歲耳哀姜  
慶父專國豈欲季友之歸者故陳氏以為國人為之  
傳公次于郎以待之注非師旅之事故書次○臣浩按  
杜注解傳言次而經不書之意當作非師旅之事故  
不書次各本俱無不字未敢遽添

傳書曰仲孫亦嘉之也。○陳傅良曰傳釋大夫恒書名於是特書族

傳公侯之子孫必復其始。○陳傅良曰傳起趙魏事王應麟曰公侯之子孫必復其始其三卿分晉之後之言乎

齊人遷陽注陽國名疏土地名闕不知所在。○

臣召南

按漢書地理志東海郡都陽及城陽國陽都注並引應劭曰春秋齊人遷陽是

傳間于兩社為公室輔注兩社周社亳社兩社之間朝

廷執政所在○

臣召南

按史記集解引賈逵注如此

蓋杜氏全用賈說

傳狐突御戎先友為右注申生以太子將上軍○

臣召

南

按前年晉侯作二軍公將上軍太子申生將下軍

趙夙御戎畢萬為右是趙夙畢萬為上軍御戎車右也此年太子代將上軍御戎車右皆易自此以後晉更軍制較他國為最詳



傳僖之元年齊桓公遷邢于夷儀二年封衛于楚丘○  
臣召南按傳有追叙有預叙此類則預叙也

春秋左氏傳注疏卷十考證

謹按卷九第二頁前二行告命之辭刊本監本毛

本辭訛禮據宋本改

後七行注在滎陽卷縣刊本滎訛滎今改

第五頁前四行音義賢遍反刊本反訛廣今改

第六頁前七行疏黝堊黑色諸本堊訛楹據宋本  
改

第七頁後四行疏不以命數也諸本命訛名據宋

本改

第九頁前二行疏此是七月刊本月訛日今改

第三十五頁後六行疏司隸傳祇刊本傳訛傳今

改

卷十第三頁前三行疏小兒啼聲諸本啼訛音據

宋本改

第七頁前一行注萬畢公高之後諸本萬畢訛作  
畢萬今據宋本改

第十頁後二行亦謂初立之年也諸本年訛命據

宋本改

第十二頁前四行分左右廟也諸本廟訛廟據宋  
本改


第二十頁前二行疏虜之器諸本虜訛脈據宋本  
改

前七行疏是阻得為疑也諸本是訛且據宋本改  
第二十二頁後一行疏勸農業也諸本勸訛勸據  
宋本改

後六行音義逆牒諍反諸本牒訛必今據釋文並

宋本改





覆校官編修 臣張秉愚

校對官修撰 臣張書勲

謄錄監生 臣陳增

謄錄監生 臣繆謨